

Deus enim ens sanctissimum et purissimum, credens suae maiestati magno esse dedecori, si in tali regione, ubi summum Numen Rex et Imperator perpetuus, semperque e specialiori clementia erga populum suum praesens esset, *cadavera inburnata* super terra remanerent, in supra citato loco i) legem sanxit, ne *cadavere suspensi*, qui *maledictus Domini est*, terra promissionis et sempiternae haereditatis immunda euaderet. Quia uero illi, qui supplicio multati erant, non tali honore digni haberi poterant, quali digni censebantur alii boni probique uiri, qui modo ordinario naturae debitum soluerunt, Senatus Iudaeorum summus merito constituerat, ut separata *coemeteria sceleratorum* ab aliorum hominum *tumulis sacris* essent. Haecque ex ratione *codex SANHEDRIN* k) *duplicia* nobis *sepulchreta* recenset, quae parari et confici Senatus summus curare debebat *unum* scilicet *LAPIDATORVM*, et *combustorum*, alterum *gladio et laqueo interemptorum*: כל המלין את מתו עובר בלא תאשה הלינו לכבודו להביא לו ארון ותכריכים אבנו עובר עליו ולא היו קוברין אותו בקברות אבותיו אלא שתי בתי קברות היו שתוקנין לבית דין אחד לנחרגין ולנחנקין ואחת לנסקלין ולנשרפין *Quicumque pernoctare finit mortuum suum transgreditur praeceptum negativum, si uero illum pernoctare*

i) Deuteron. XXI. Cap. uers 23.

k) Cap. VI. §. 5. fol. 187. col. 2. conferatur MOSES MIKKOZI fol. 188 col. 2. Praecepto Affirmatiuo 104. mox in antecedenti Praecepto scribit: העץ שנתלה עליו נקבר עמו וכן האבן שנסקל והסיף שנחרג בו והסודרין שנחנק בהם כולם נקברים בתפוסתו בצדו *Nam arbor, ex qua suspensus est, sepelitur cum illo, pari modo lapis, quo lapidatus est, ensis, qua occisus, et sudarium, quo strangulatus est, haec instrumenta omnia sepeliuntur una cum omni comprehensione terrae, qua cubuit.* Porro euoluatur B. MOSES FILIUS MAIMONIS pag. 738. col. I.